

國家圖書館地方志家譜文獻中心編

孤本舊方志選編

第二十四冊

(清)茅成鳳修 劉震纂

「康熙」建平縣志

「康熙」建平縣志二十四卷（清）茅成鳳修（清）劉震纂 清康熙三十八年（一六九九）

刻本，存卷一至八、二十四

成鳳號容庵，浙江紹興人，監生，康熙三十七年署縣事。震，清河人，歲貢生，縣教諭。

現存最早建平縣志為明嘉靖十年（一五三二）連鑛修，九卷本，天一閣存全帙。另一部國圖存卷一至五，臺灣存卷六至九。一書兩地，合之迢迢。本志居其次，以康熙十二年（一六七三）高自遠志（已佚）為藍本，略加增刪而成。體例與州志同。成鳳自序云：『夏日微疴，取舊志重輯之，不閱月而書成』。忽忽而作，略顯草率。全書二十四門，分裝五冊，以仁、義、禮、智、信序之。現僅存仁、信兩冊。仁冊卷前為序文、姓氏、目錄、界考，正編卷一至八，為圖考（四境圖、縣治圖、縣署圖、學宮圖）、沿革、星野、疆域、山川、風俗、城池、戶口；信冊為卷二十四藝文，以文為主，詩為附。首文為『詳漕米改粳米兌運』，力陳百姓之苦、改米因由，是珍貴的社會經濟史料。

宋於廣德縣地析置建平，屬廣德軍。元屬廣德路，明屬廣德州，清因之。民國三年改稱郎溪。今安徽省宣城市之郎溪縣。

建平縣志

信

建平縣志序



國家當重以累洽之時薄海內外
恩流風翔且遠徼盡歸版圖
重譯罔不庭服自古文興之
大治化之隆未有及於此時者

是故列郡諸邑各修志乘紀其
疆域貢賦民風土物之盛所以
恢弘一統之規而為黼黻太平
之具也建平客通金陵為文被
之邦成鳳自戊寅之春課宰

於此覽及舊志則編次殘闕
刊寫訛舛且自張公正中重
修至今漫五十餘年其間因
革損益不知凡幾惜未省起
而正之者然初蒞之際百務

如謂雖心焉念之未逮也今
夏民物安阜案牘澄清余
適以微疴日與藥椀爐香相
對因取舊志重為修輯并購
州縣合志於桐川交叅互攷

別其條目正其訛舛闕者補
之新著增之不闕月而書成
自圖考至藝文為目二十有四
卷數如之猶虞智慮有未周
訪求之未博也因復參之廣

父校之紳士而後授梓以視
舊率似為加詳較十年來
修之典今日廼就此非余之所
能為也蓋今

聖明在御時雍風動而

各上憲承流宣化徧於閭閻以
是萬民樂業四野清寧余
故得以竣事否則為今者方
科條程督之不暇而暇為編
墨之事乎哉因序之於簡

以見


聖代雍熙之盛云

時

康熙三十八年歲在己卯季冬

之吉文林郎知建平縣事山

陰茅成鳳謹撰



建平縣志序

志之名昉于班固鳴一家之言而
陳壽因之遂志國事唐王存李吉
甫宋曾鞏輩各志九域與柱下之
史等有明以來史館志皇輿而各
府州縣俾得隨地爲志猶之二南

以風名而十五國皆得有風此則
志之大概也我

國家聲教肆訖幅員孔廣

聖天子特命儒臣纂脩一統志導揚鴻
烈于是海內司牧蒐輯舊章各以
時脩舉以備輶軒之採此又脩志

之大概也建平固孱邑百度廢弛
因循成俗蓋其素矣山陰

茅侯宰茲土期年之間裨者以去
廢者以舉然後於琴堂之暇從

事邑志嗟乎志非脩之難脩之而
無度越前人之事卓然可志此爲